

Na osnovu člana 21a. Zakona o zaštiti ličnih podataka ("Službeni glasnik BiH" broj 49/06, 76/11 i 89/11) i člana 40. Statuta općine Ključ - Prečišćeni tekst ("Službeni glasnik općine Ključ", br. 3/10 i 3/11), Općinski načelnik donosi

ODLUKU
o obavljanju video nadzora prostorija općine Ključ

Član 1.

Ovom Odlukom regulišu se pravila obrade ličnih podataka putem video nadzora, način postavljanja i korištenja tehničkih pomagala za video nadzor u prostorijama, ulazima, neposrednoj blizini zgrade općine Ključ (u daljem tekstu prostorije općine Ključ).

Član 2.

(1) Za prostorije općine Ključ- obrađivači su ovlašteni koristiti tehničke uređaje za video nadzor, te primjenjivati i druga tehnička pomagala za snimanje i digitalnu obradu događaja u i oko prostorija općine Ključ. Tehnički uređaj za video nadzor se postavlja na vidljivom mjestu.

(2) Korisnici usluga općine Ključ, uposlenici općine Ključ, kao i sva lica koja dolaze u prostorije općine Ključ bit će obaviješteni o vršenju video nadzora. Obavještenje će biti postavljeno na ulazu (glavnim ulazima) u prostorije općine Ključ tako da je vidljivo svim osobama koje koriste prostorije općine Ključ po bilo kojem osnovu.

(3) Obavještenje je adekvatne veličine na kojemu se nalazi slika kamere i jasno vidljiv natpis "**OPĆINA KLJUČ - PROSTOR POD VIDEO NADZOROM**". Obavještenje sadrži i podatke o kontaktu putem kojeg se mogu dobiti pojediniosti o video nadzoru (web stranica općine Ključ).

Član 3.

Svrha video nadzora je zaštita imovine i ljudi, te poboljšanje organizacije rada i ispunjavanje zakonskih obaveza.

Član 4.

(1) Općina Ključ će snimke nastale korištenjem aplikacije za video nadzorom pohranjivati na mreži (serveru općine Ključ), obrađivati i koristiti u skladu sa Zakonom o zaštiti ličnih podataka, kao i propisima koji reguliraju zaštitu ličnih podataka.

(2) Nastale snimke mogu se kopirati ili drukčije elektronski obrađivati zbog efikasnosti organa uprave, kao i u slučajevima dokazivanja u određenim postupcima (npr. disciplinski, prekršajni, krivični i sl.) za utvrđivanje stvarnog stanja u žalbenim postupcima ili kod utvrđivanja moguće materijalne odgovornosti.

Član 5.

(1) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme.

(2) Video nadzor će se postaviti na adekvatna mjesta, a na osnovu organizacijskih i bezbjednosnih potreba, te tehničkih mogućnosti.

(3) Mjesta za postavljanje video nadzora definisana su shemom kamera, a koje će se ažurirati u skladu sa potrebama i koja je sastavni dio ove Odluke.

Član 6.

(1) Kontrolu, način i vrstu korištenja podataka koji se prikupljaju video nadzorom vršit će uposlenici općine Ključ, a što će biti određeno posebnim rješenjem Općinskog načelnika.

(2) Video zapis se čuva minimalno 20 dana od dana nastanka nakon čega se briše, izuzev video zapisa koji nastaju u vezi matičnih knjiga koji se čuvaju minimalno 6 mjeseci.

(3) Pristup video zapisu može se dostaviti i na zahtjev MUP-a, suda, tužilaštva, Općinskog načelnika i službe, a podaci se daju na elektronskim medijima.

Član 7.

Ova Odluka stupa na snagu danom donošenja i objaviće se u "Službenom glasniku općine Ključ".

Broj:06-49-1770/18
Datum, 20.06.2018. godine

DOSTAVLJENO:

1. Službama x 8
2. Web stranica općine Ključ,
3. "Službeni glasnik općine Ključ"
4. Agencija za zaštitu ličnih podataka u BiH
5. Arhiva



OPĆINSKI NAČELNIK

Zukanović Nedžad, prof.